

陳學士吟窓雜錄

陳學士吟窓雜錄卷三十二

古今詩僧

惠休

字茂遠宋孝武帝命還俗補揚州文學

鍾嶸曰

惠休淫靡情過其才世遂匹之鮑昭

贈鮑侍郎詩

玳枝芳金英綠葉芳紫莖不入君王杯低彩還自榮
想君不相艷酒上視塵生當今芳意重無使盛年傾

慧約

字德素有哭范荀詩

我有數行淚不落十餘年今日爲君盡迸洒秋風前

洪偃

昇平亭詩

樹高枝影細山靜鳥聲稀窮客無往還攀桂獨依依

和人游北湖

浴鳧銜藻戲驚鷗帶魚飛

雲瑗

游故苑詩

春溪度短葛秋浦沒長莎

智炫

游金山詩

絕巖低更舉危峯斷復連樹錦無機猨嘯猿鳴詎假絃

曇延

薛居士訪戲題方圓動靜四字

曇延應聲曰

方如方等城圓如智慧日動則識波浪靜類涅槃室

慧曉

陳寶應起兵作五言詩以送之

送爲臨遠水離旗稍引風好看今夜月當照紫微宮

智才

送別詩

鏡中辭爲識灞岸別新知年來應未老只爲數經離

慧靜

和盧贊府遊紀國道場

落照侵虛牖長虹拖跨橋

神迥

懷歐陽山人

鷓鴣鳴東浦
曙草秀南湖
春

惠標

詠水

風潭如拂鏡
山溜似鳴琴

皎然

字畫姓謝康樂
十世孫也

戲爲一章

樂禪心以蕩吾道
不相妨獨悟歌還哭
誰言老更狂

四十韻之作

其略曰

東風吹杉梧山月到石壁此中一悟心可與千載敵

于頔序曰

皎然得詩人之奧旨傳乃祖之菁華江南詞人莫不模範極於緣情綺靡故詞多芳澤師古典制故律尚清壯

于頔贈詩

雪水漾清潯吳山橫翠峯含珠復蘊玉價重雙交南金皎然奉酬

盤礴西山氣貯在君子襟澄淡秋水影用爲字人

韋應物贈詩

想茲棲禪夜見月東峯初

皎然奉酬

格將寒松高氣與秋江清

靈徹

字澄源姓湯越州人

道邊古墳詩

松樹有死枝塚上堆莓苔石門無人入古木花不開

雲門夜作

天寒猛虎叫岩雪松下無人空有月

石帆山作

月色靜中見泉聲深處聞

登天姥峯望天台山

天台衆山外歲晚當寒空時有半不見崔嵬在雲中

傷古墓作

古墓碑表折荒壠松栢稀

福建還梨嶺作

秋深知氣正家近覺山寒

九日作

山僧不記重陽日因見茱萸憶去年

延平津懷古

今非古獄下莫向斗間看

歸湘南詩

山邊水邊待月明暫向人間借路行如今還向山邊

去唯有湖水無行路

芙蓉園新寺詩

徑來白馬寺僧到赤烏年

謫汀州作

青蠅爲弔客黃犬寄家書

韋丹贈詩

王事紛紛無暇日浮浮冉冉只如雲已爲平子歸休計五老岩前必共聞

徹奉酬

年老身閑無外事麻衣草履亦容身相逢盡道休官去林下何曾見一人

僧鷺

有伐楓篇雄拔人服之

虛中

題馬侍中池亭

嘉魚在深處幽鳥立多時

言懷

十年華岳峯前住只得虛空一首詩

齊已

鄭谷贈言

格清無俗字思苦有蒼髭

謁鄭谷有早梅詩

前村深雪裏昨夜數枝開

谷笑曰數枝非早也未若一枝則佳齊已下

拜

徐東野贈歌

悶見唐風雅音缺敲破青天飛白雪清寒青江若有

唐詩卷之三
雷暹魂對泣荒郊月

又云

一簞松風冷似水長伴巢由伸脚睡

貫休

字德隱姓姜氏婺州人

上高祖詩曰

一瓶一鉢垂垂老萬水千山得得來

上錢尚父詩

滿容花醉三千客一劍霜寒十四州

贈別詩

別離如旨酒今古飲首醉我恐長江水盡是兒女淚

病鶴詩

見說清氣邪不入不知爾病自何來

公子行

錦衣鮮筆手擎鷗閑行氣貌多輕忽稼穡艱難惚不知五帝三王是何物

號禪月太師

延壽

智覺禪師

有詩

言前體道乾坤窄筆下搜吟海岳枯

又詩

春雨閉花逕晚雲生石樓

又詩

草濃春逕狹樹密晚窓陰

又詩

繞繡屏飛花外蝶隔金籠語柳中鶯

謙明

江隣幾曰

謙明賦中秋月云此夜一輪滿至來秋方得
下一句云清光何處無

廷貫

書懷詩

吟中雙髮老笑裏一貧生

清澗

自序云

近因絕粒忘形默思動盈牋幅似若神助私
自懌樂以爲造四風之淵與入二雅之髓脉
簡長

張景序曰

上人以釋氏法怡悅情性名利不能傷其欲
得喪無以撻其真上人之詩始發於寂寞漸
運於冲和盡出於清竒卒得歸於雅靜

惟鳳

王隨雪花詩序曰

持正大師一章聯皆出乎清新發乎澹逸
賦象可以披圖盡騰英可以潤金石

賦邊將詩

草檄飛燕壘降幡入漢營

送人歸天台

岸盡吳山出潮平越樹低

題丹露招提

寺近東溟日山連北固春

送陳處士

家遠知琴在時清賣劍歸

詠秤

衆星隨手舉萬物應心平

惠崇

錢易序曰

步驟高下去古人不遠釋之詩可相等者不

易得探厥志又金石於前矣

遊長安詩

人遊曲江少草入未央深

池上鷺

照水千尋迥棲煙一點明

歐陽永叔曰

九僧詩余少時聞人多稱其一曰惠崇餘人者忘其字也

寂照

楊文公曰

圓通大師日本僧

寄丁晉公詩并以黑金水瓶

曉井斟殘月春爐釋夜斯

寄楊文公詩

身隨客槎遠心與海鷗親

南師

錢易序曰

南公之詩抉萬物之情起雅頌之風携山居詩一軸來請與之序

秘演

歐公曰

秘演與曼卿交最久曼卿隱於酒秘演隱於屠皆奇男子也

僧文榮曰

蘇子美有贈秘演曰

垂頤孤坐若癡虎眼吻開合無光精

秘演抹去無字改為猶字子美謳之秘演曰
吾苟活豈得言無光精耶

告師

字子京序曰

詩爲天地緼造物者吝之其取之無限則輒
窮躡其命而拂戾其爲

寶馨

東坡居士

有詩曰

蒲院秋光濃如滴老松倚杖青松側只恠高聲問不

應喚余踏破蒼苔色

本名清戒俗號戒和省

文喜

湘南人有失鶴詩

一向亂雲尋不得幾番臨水待歸來

清晤

河北人有春日即事詩

鳥歸花影動魚沒浪痕圓

警溥

桂林人

憶上人詩

捲箔西風起乘時上古臺秋聲隨葉下夜色帶煙來

寄象敦七言

漁翁睡重春潭濶白鳥不飛舟自橫

惠勤

歐公曰

才智有學問尤長於詩居錢塘孤山有中隱集三卷行於世

文或

號文寶大師詩二集一千餘首

題項羽廟

十年弓劍爲誰苦萬里山河不自由

定諸

有詩五百餘首曰去華集

觀畫水詩

無波浪處生波浪
愁殺孤帆過海人

又鸚鵡詩

不須一向隨人語
須信人心有是非

惠隆

有詩五百首名曰霞溪集

題廢宅詩

繞砌淺莎鳴促織
斷簷殘雨挂遊絲

宗美

有詩六首名曰晉江集

自題云

新集勦蕘六百篇
其搜疑列不還
天多慙未得
搔人

肯虛役身心五十年

泊吳江詩

浣沙舊曲何人笛一一隨風到客舟

題延福寺

倚檻寒松偃連雲一徑橫就中圖不得忽戶入江聲

可朋

有詩千餘篇號玉壘集

題洞庭詩

水涵山影濶天板地形高

又贈友人詩

來多不自客坐久却垂簾

又題杜甫舊隱

傷心盡日有啼鳥獨步殘春空落花

又寄齊已

雖陪北楚三千客多話東林十八賢

仲殊

李獻民曰

潤州有北固樓一日大宴賓其上而仲殊預焉太守命諸客各賦詩一篇仲殊先成

北固樓前一笛風碧雲飛盡建康宮江南二月多芳草春在濛濛煙雨中

元覽

道高有風韻人不可得親

有詩題於竹

大海從魚躍長空任鳥飛

無夢

多教化村落手持木牌上書詩二首

其一

身為車弓心為軾車動軾隨何計息交梨大棗是誰
無自是不除荆與棘

其二

身為客弓心為主主人平和客安堵若還主客不康
寧精神管定辭君去

謙

賞花詩

鬢髮從今日白花是去年紅

契盈

遊錢塘潮水

王喜曰越去京師三千里誰

知一水之利可謂三千里外一條水契盈對

云十二時中兩度潮以爲名對

正緣

送人謁柳開詩

柳墻高於花怒飛方可至奇哉游夏徒吐辭作雄翅

陳學士吟窓雜錄卷三十三

古今武夫

沈慶之

上嘗歡飲普令羣臣賦詩慶之手不知書口
受顏師伯曰

微生遇多幸得逢時連昌朽老筋骨盡徒步還南崗
辭榮此聖世何媿張子房

曹景宗

嘗振旅入帝於華光殿宴飲賦詩景宗求作
不已詔沈約分韻惟餘競二字景宗曰

去時兒女悲歸來笳鼓競借問行人何如霍去病
帝嗟嘆不已

高琳

帝宴羣臣賦詩琳末章云

寄言竇車騎爲謝霍將軍何以報天子沙漠靜妖氛

賀若弼

與源雉詩

交河驃騎幕合浦伏波營勿使麒麟上無我二人名

王智與

宴會賦詩

平生弓劍自相隨剛被郎官遣作詩江南花柳從君詠塞北煙塵我自知

高崇文

詠靈

崇文崇武不崇文提戈出塞號將軍那箇醉兒射鴈
落白花空裏落紛紛

曹翰

有退將詩

曾經國難披金甲不爲家貧賣寶刀

太宗稱賞之賜錢五百萬

劉吉

有詩三百首目爲釣鰲集

贈隱者詩

一箭不中鵠五湖歸釣魚

夷狄

新羅國王

織錦以獻唐主

巨唐開洪業巍巍皇猷昌止戈成大定典文繼百王

楊奇鯤

南蠻宰相也

有詞藻入朝途中詩曰

風裏浪中吹又白雨中嵐色洗還青

段義宗

南蠻宰相也

有題大慈寺芍藥

此花不與衆花同爲感高僧護法功

題三學院經樓

玉排複道珊瑚殿金錯危欄翡翠樓

又思鄉

懸心秋夜月萬里照鄉關

劉經

虜政事舍人奉使北中有詩

野韭長猶嫩沙泉淺更清

高麗

元豐初入貢所至留題

遊金山寺詩

塔影到淮沉浪底磬聲浮月落雲間門前客棹洪濤
急竹下僧碁白日閑

本朝詩人

范質

寄文素

有詩戒諸子

物盛則必衰有隆還有替速成不堅牢亟走多顛躓
灼灼園中花早發還先萎遲遲澗畔松鬱鬱含晚翠

王溥

詠牡丹

裏花至小能成實桑葉雖柔解吐絲堪笑牡丹如斗
大不成一事又空枝

王易簡

拜拾遺辭官歸隱詩

泪沒朝班愧不才誰能低折向塵埃青山得去且歸
去官職有來還自來

竇儀

與四弟有才名

馮道贈宋君詩曰

燕山竇十郎教子有義方
靈椿一株老丹桂五枝芳

郭延澤

詠牡丹凡十餘首

錢希白牡丹集序曰

士君子允鍾意於物必有所得
非有所得則不能洞悉深淺

李昉

進永昌陵挽詞

奠玉五回朝上帝
御樓三度納降王

張齊賢

以詩戲友人

午橋今得晉心廬水竹煙花興有餘師亮白頭心已足四登兩府九尚書

又戒子弟

無私仍克己直道更和光

李肅

嘗作大宋樂九首

贊黃中

字媧民喜爲詩舉童子科

蘇易簡

字大簡舉進士不起第凡三顯心千餘言數刻

而就太宗曰君臣千載遇對曰忠孝一生心
晚年贈僧詩

憔悴貳卿三十六與師氣味不爭多

王化基

字永圖尤好吟詠嘗作東南行百韻好事者
誦之

扈蒙

字同用侍宴賦詩末句云

微臣自愧頭如雪亦聽鈞天侍五皇

徐鉉

字鼎臣

贈彭祐詩

無人與和投湘賦媿子來浮訪戴舡

游木蘭亭

蘭橈破浪城陰直玉勒穿花花樹深

病中詩

書空咄咄頻書字與世滔滔莫問津

謫居詩

野日蒼茫悲鵬舍水風陰溼弊貂裘

餞陳秘監詩

三朝恩澤馮唐老萬里鄉關賀監歸

印粲贈公詩

凡說下朝無一事小池栽葦學僧家

撰吳王挽辭

青松洛陽陌荒草建康宮道德遺文任興衰自古同

又曰

一朝人事變千古信書存

鄭文寶

字仲賢能爲詩有集二十卷

在張齊賢座上作

水暖鳧鷖行哺子溪深桃李卧開花

郢城新亭

四圍山色銷煩暑一局碁聲下翠微

寒食訪僧

水上碧桃流片段梁間新燕語逡巡

卞震

田錫序曰蜀有胡藁季堯夫爲詩人而卜公之名出其右

即事詩

雨壁生秋菌風枝落病蟬

憶鶴詩

積雨生殘稻蒼苔入舊籠

途中詩

風濤秋渡關煙雨晚村孤

秋夕詩

空囊萬里客斜月一牀寒

寄陳搏詩

雙闕暫隨丹詔入三峯尋與白雲歸

東郊詩

芳草又牽爲客恨白雲空寄未開心

魏丕

字齊物好爲歌詩嘗詠山鵲爲時所稱

劉昌言

有下第時詩

惟有夜來蝴蝶夢翩翩飛入刺桐花

宋白

有宮詞

近臣入奏新祥瑞昨夜黃河徹底清

楊徽之

字仲猷建州人

太宗聞其有詩名因畫索所著且獻詩稱謝
卒章曰

十年流落今何幸叨過君王問姓名

太宗選集中一聯寫於屏九聯句與筆花同
但無春望句而江行云犬吠竹籬沽酒客鶴
隨苔岸洗衣僧故梁周翰曰誰似金華楊學
士十聯詩在御屏中

王禹偁

字元之作宋湜挽詞

樞前書顧命筆下定鴻基

張詠

乘傳過華山寄陳博詩

今日星馳劍南去回頭慙愧華山青

及第寄傅霜詩

前年失却下漁磯苦戀明時不得歸為報巢由莫相
笑此心非是愛輕肥

詠柳詩

安得辭榮同范蠡綠絲和雨繫扁舟

題庭竹

小桃遮不得深雪放教青

書懷

日思舊隱歸何計或問前程笑指空

李宗諤

會賞花不預獻詩即許陪宴

以次錄錄
身卷三十一
三十一
戴了宮花賦了詩不容重見黑黃衣無聊獨出金門
去恰似當年下第歸

楊億

字大年連州人試中書喜朝金闕詩

七閩波渺邈雙闕氣岩堯曉登雲外嶺夜渡月中潮

曲宴獻詩

聞說宮花滿鬢紅上林絲篔簹侍重瞳蓬萊咫尺無由
到始信仙凡迥不同

江隣幾曰

公在館閣讀書占城進獅子公進詩

渡海鯨波息登山豹霧消

周啓明

有古律詩賦千餘篇

孫何

嘗作兩晉名臣贊宋詩二十篇

王禹偁延譽之嘗言丁謂與孫何便可白衣
修撰

柳開

字仲塗纂韓柳爲文

塞上作

鳴鶻直上一千尺天靜無風聲又乾碧眼胡兒三百
騎盡提金勒仰雲看

及第詩

講武門前授勅迴綴行呵喝下無來九衢紅粉皆相

識盡捲朱簾看柳開

譚用之

貽惠澈上人詩

流水物情諳世態落花春夢厭塵勞

宿西溪隱士詩

織檻錦紋苔乍結墮書花印菊初殘

途中自勉

光陰老去無成事富貴不來爭柰何

入關詩

眠雲無限好知己應笑不歸花滿樽

錢熙

堂擬古樂府著雅言十數篇

黃夷簡

尤工詩詠老而不輟

謝炎

字化南有詩集二十卷

許洞

字洞天作酒歌數百言

李建中

字得中望湖樓詩

春波無限綠白鳥自由飛

又西湖詩

漲煙春氣重貯月夜痕深

戚同文

好爲詩有孟諸集二十卷

陳搏

字圖南亳州人有詩六百餘篇

嘗爲詩曰

草澤吾皇詔圖南搏姓陳三峯十年客四海一閑人
世態從來薄詩真自得真超然居物外何必更爲臣

种放

字朗逸

有瀟湘感事詩

淒涼野浦寒飛鴈半落汀祠晚聚鷗

萬適

字縱之著雍熙詩三百首

楊璞

字契玄有東里集

賦蒞衣詩

狂脫酒家春醉後亂堆漁舍晚晴時

七夕詩

年年乞與人間巧不道人間巧已多

魏野

有草堂集

平陸縣詩

數聲離岸櫓幾點別州山

贈萊公詩

好去上天辭宰相却來平地作神仙

貽王旦詩

西記東封俱已了如今好伴赤松遊

竹校杯詩

吉函終在我翻覆謾勞君

又詩

燒葉炉中無宿火讀書窓下有殘燈

上萊公生日詩

何時生上相明日是中元

又詩

蟾光望處將三五鳳曆推來恰半千

寇準

字平仲知歸州巴東縣詩

野水無人渡孤舟盡日橫

江南春二首

其一

波渺渺柳依依孤村芳草遠斜暉杏花飛江南春盡
離腸斷蘋滿汀洲人未歸

其二

香杳煙波接千里白蘋香散東風起日落汀洲一望
時愁情不斷如春水

吟窓雜錄

庚

三

吟窓雜錄庚卷三十三

陳學士吟窓雜錄卷三十四上

王曾

字孝先投呂文穆早梅詩

雪中未問和羹事且向百花頭上開

呂公曰此生次第安排作狀元宰相矣後盡然

丁謂

字謂之亦喜爲詩

拜侍中有詩曰

千金家器非良寶一品官高是強名

真宗朝宴釣御釣不食晉公有詩

鶯鷺鳳輦穿花去魚畏龍顏上釣遲

呂夷簡

字坦夫題越州寺詩

不用閉門防俗客愛閑能有幾人來

夏竦

字喬卿

試罷楊徽之丐詩有作

殿上衮衣明日月硯中旗影動龍蛇縱橫禮樂三千
字獨對丹墀日未斜

楊公歎曰真將相器也

除使相知南京以絕句寄執政二首

其一

造化平分荷大鈞腰間新佩玉麒麟南湖不住載桃

李擬伴沙禽過十春

其二

海鴈橋邊春水深，略無塵土到花陰。
忘機不管人知否，自有沙鷗信此心。

以詩寄張諫院

弱羽傷弓尚未完，孤飛殊不礙鴛鴦。
明珠自有千金價，肯爲遊人作彈丸。

寄呂丞相詩

黃閣有賢圖國計，皂囊無黨害邊功。
河原飲馬非難事，一點胡塵在目中。

投李沆詩

山勢蜂腰斷溪流，燕尾分

晏殊

字同叔有詩

無可柰何花落去似曾相識燕歸來

又詩

靜尋啄木藏身處閑見遊絲到地時

又詩

樓臺冷落收燈夜門巷蕭條掃雪天

又詩

已定復搖春水色似紅如白野棠花

又詩

春風任花落流水旋不盡行

杜衍

字世昌好吟詩喜草書

宋庠

字公序尤工詩

張士遜

字順之題西庵詩

密密石叢盤小徑涓涓雲竇瀉寒泉

過建寧縣洛陽村

誰知萬水千山裏枉被人言過洛陽

龐籍

字醇之退老有詩

田園貧宰相圖史富書生

王隨

字子正有宮詞云

一聲喧鳥禁門靜滿地落花春日長

又野步

桑芥利春色漁歌唱夕陽

陳堯佐

字希元荅張士遜送花酒

有花無酒頭慵舉有酒無花眼懶開
正向西園念瀟索洛陽花酒一時來

吳江詩

平波渺渺煙蒼蒼蒹蒲繞繞熟楊柳黃扁舟繫岸不忍去
秋風斜日鱸魚鄉

湖州碧瀾堂詩

茗溪清淺雲溪斜碧玉光寒照萬家誰向月明終夜
聽洞庭漁笛隔蘆花

劉流

字冲之齊國公主挽詞

都門門外望千古白楊風

大拜送友人詩

若見鄉關人見問爲言歸思滿秋風

詠牡丹

三月內方有百花中更無

迷懷

若不去登黃閣貴便須來伴赤松遊

小孤山詩

石聳千尋勢波留四面痕

范仲淹

字希文有贈釣者詩

江上往來人盡愛鱸魚美君看一葉舟出沒風濤裏

又觀渡詩

一棹輕如葉傍觀亦損神他特平地上無忽險中人

薛奎

有詩

千林如有喜一氣自無私

鄭戩

長安北禪寺筓石

春至不擇地路傍花自開

盛度

尤長於詩

張觀

字思正平生未嘗草書因自爲詩曰
保心如止水爲行見真書

錢易

真君在東宮賞山水扇命易作歌曰

好同今日太平基萬國山河歸掌握

宋祁

字子京和侍宴釣魚詩

河龍獻鯉供恩餌北斗浮漿入壽盃

自爲張藁序

孫甫

字之翰有乞茶詩

衰病自憐無酒趣塵容猶賴有詩情

尹洙

字師魯著皇雅十篇以嗣詩之正大雅

趙師民

字周翰有詩云

菱天晨氣潤槐夏午陰清

春日即事

委地露花啼曉恨拂堤煙柳弄春容

范諷

字補之題張氏園亭

惟有南山與君眼相逢不改舊時青

題甘露寺

平仲酌泉回北望謂之禮佛向南行煙嵐翠鎖門前路轉使高僧歇寵崇

石揚休

字昌言有謝僧携琴見訪詩

誰傳廣陵操老盡嶧陽材右意爲師復清風尋我來

魏瓘

有感事詩

萬里遠歸雙闕下一身閑在衆人中螭頭賜對恩雖厚雉堞論功事已空

文路公采詩進呈加龍圖尹京

又五羊書事

誰言嶺外無霜雪何事秋來亦滿頭

坐累降知越州

鐵冠持白簡藩棘聚青蠅

李絢

後花瑞竹詩

日回龍並影風過鳳聯聲

和杜相詩

收得桑榆歸物外種成桃李滿人間

石介

字守道著木頌十篇作慶曆聖德詩

石延年

字曼卿太后上仙進挽歌

震出坤柔變乾成太極虛

後作鬼仙留詩

鶯聲不逐春光老花影長隨日脚流

蘇舜欽

字子美松江新作橋子美有新橋對河詩

雲頭艷艷開金餅水面沉沉卧彩虹

後因賽神之會見謫梅聖俞有詩

客有十人至共食一鼎珍一客不得食履屨靡傷衆人

林逋

字君復梅詩

疎影橫斜水清淺暗香浮動月黃昏

山居詩

草泥行郭索雲木叫鉤輶

臨終為詩曰

茂陵他日求遺稿猶喜曾無封禪書

范文正公贈詩曰

風俗因君厚文章到老醇

錢惟治

字和出好二王書嘗曰心能御手手能御筆則法在其中矣

錢惟演

字希聖賦遠山詩

高為天一桂秀作海二峰

岑碩

字希微詠雪詩

金屋暖猶積玉闕寒更深

題吳山廟

伯聶肆讒吻夫差失霸圖

旅中春日登樓

極目又芳草捲簾非故山

張夏

字伯起

張景陽序曰

詩人之詩精而深文人之詩辨而理伯起之詩乃文人之詩也

趙緝

字叔靈

宋景文序曰

叔靈不傍古不緣今獨行太虛探出新意

謝伯景

字景山有詩

多情未老已白髮野思到春如亂雲

又詩

自種黃花添野景旋移高竹聽秋聲

又詩

園林換葉梅初熟池館無人燕學飛

又詩

長官衫色江波綠學士文章蜀錦張

黃孝先

字子思有詩云

風簷燕引五六子露井榴開四五花

潘閻

字逍遙有詩

清宵無好夢白日有閒愁

苦吟詩

髮任莖莖白詩須字字清

貧居詩

長喜詩無病不憂家更貧

峽中聞猿

何須三叫絕已恨一聲多

哭高舍人

生前是客曾投卷死後何人與撰碑

寄張詠

莫嗟黑髮從頭白終見黃河到底清

歸錢塘詩

新月無朗照落日有餘暉漁浦風水急龍山烟火微

宋尚書贈詩

宋朝歸聖主潘闥是詩人

梅堯臣

字聖俞有宮詞云

一見天威萬人喜却回宮路樂聲長

詠河豚

春洲生荻芽，春岸飛楊花。河豚於此時，貴不若魚鰕。

晏元獻愛其聯云

寒魚猶著底，白鷺已飛前。

王琪

字君玉，有新安郡詩。

山前夜燒連紅燭，溪上春波映綠醅。

題金陵賞心亭

千里秦淮在玉壺，江山清麗壯吳都。昔人已化遼天鶴，舊盡難尋卧雪圖。

李邁

字泰伯，蔡君謨宴陳烈走邁詩。

山鳥不知紅粉好一聲檀板競驚飛

閩中歲暮

霜嚴欲烈地到底日短不行天正中

仙都觀

幾雨道藏金壺墨一片秋容玉井花

清暉亭

山上白雲如有雪水中明月似無泥

淨居院

路經橋遠塵難到僧占閑多公事不爭

喜晴

天放舊光還日月地歸濃秀與山川

和陳殿撰

酒鄉貧更入詩債病猶還

感秋

天冷雲含白溪清水獻沙

廷壽亭

松老多經雪雲關不到天

周式

成都人有春詩

珠簾綉戶遲遲日柳絮梨花寂寂春

庭松詩

花前媠母醜雪裏屈原醒

耿仙芝

有詩云

淺水短蕪調鳥地淡雲微雨養花天

王安國

字平甫元厚之內翰爲高麗乞新著平甫以詩戲之曰

誰使詩仙來鳳沼欲傳賈客至雞林

杜默

長於歌行石介作詩贈之言曼卿豪於詩求叔豪於文杜默豪於歌

張宗永

題陳相別墅

喬松翠竹絕纖埃門對青山盡日開應是主人貪報國功成名遂不歸來

又有詩

大開文字隄防老剽買文章准條開

周和徵

寒食詩

疾風暴雨悲游子峻領崇山非故鄉

吟窓雜錄庚卷三十四上

陳學士吟窓雜錄卷三十四下

古今雜體詩

苦雨見寄

龜蒙

有時赤脚弄明月踏破五湖光底天

又云

不如駘入醉鄉中只恐醉鄉田地窄

齊梁怨別

寥寥缺月看將落簷外霜華染羅幕不知蘭棹到何
山應倚相思樹邊泊

奉和

芙蓉泣恨紅鈿落一系別時煙似幕鴛鴦剛解惱離
心夜夜飛來掉邊泊

晚起即事迴文

龜蒙

平波落月吟閑景暗幌浮煙思起人清露曉垂花謝
半遠風微動蕙抽新城荒上處樵童小石蘚分來宿
鷺馴晴寺野尋同去好古碑苔字細書句

夏日閑居

平聲

荒池河蒲深開塔苔莓平江邊松篁多人家簾櫳清
爲書凌遺編謂絃夸新聲求懽雖殊途探幽聊怡情
疊韻山中吟

瓊英輕明生石脉滴瀝碧玄鈿山偏憐白幘客亦惜
雙聲溪上思

溪空唯容雲水密不隕雨迎漁隱映問妄問謳雅孺

離合體

閑居雜題

以題目字離合

鳴蜩早

閑來倚杖柴門口鳥下深枝啄晚蟲周步一池銷半
日十年聽此髮如蓬

松間斟

子山園靜憐幽木公幹詩清詠葦門月上風微瀟酒
甚斗醪何惜置盈樽

晚秋吟

東臯烟雨歸耕日兔去玄冠手刈禾火蒲酒燼詩在
口今人無計柰儂何

藥名離合體

夏日即事二首

其一

避暑最須從朴野
葛巾筠席更相當
歸來又好乘涼
釣藤蔓陰陰着雨香

其二

意外曉簾還自捲
栢煙蘭露思晴空
青箱有意終須
續斷簡全編一半通

縣名離合

日休

懷鹿門

十里松蘿陰亂石
門前幽事雨來新
野霜濃處憐殘
菊潭上花開不見人

風人詩體

龜蒙

破簾供朝爨須知其苦辛曉天窺落宿誰識獨醒人

奉和

日休

刻石書離恨因成別後悲莫言春爾薄猶有萬重思

又詩

江上秋聲起從來浪得名逆風猶掛席古不會帆情

寒食聯句

靜境楫神凝寒華射林缺

右龜蒙

清知思緒漸爽覺心源澈

右日休

高唱戛金奏朗詠鏗王節

右龜蒙

我思方次寥君詞復悽切

右日休

况聞風篁上擺落殘凍雪

右龜蒙

寂爾萬籟清皎然諸靄滅

右日休

西窓客無夢南浦波應結

右龜蒙

湖光正如劔月魄方似玦

右日休

短燼不禁挑冷臺看欲拆

右龜蒙

何夕重相期濁醪還爲設

右日休

藥名聯句

爲待防風餅須添薏苡杯

右張賁

香燃栢子後樽泛菊花來

右日休

石耳泉能洗垣衣雨爲裁

右龜蒙

從容犀局靜斷續玉琴哀

右張賁

白芷寒猶採青箱醉尚開

右日休

馬銜衰草卧鳥啄蠹根迴

右龜蒙

雨過蘭房好霜多桂未摧

右張賁

朱兒應作粉雲母詎成灰

右日休

藝可屠龍膽家曾近燕胎

右龜蒙

誰能將藁本對與王泉才

栢梁體

潤色鴻業寄賢才

右中宗

叨居輔弼愧監梅

右中書人嶠

運籌帷幄荷時來

右尚書楚

職掌圖籍監蓬萊

右秘書監憲

兩司謬忝謝鍾裴

右侍郎湜

禮樂銓管效涓埃

右吏部侍郎

欣承顧問待天盃

右給事中適

右振司言愧不才

右中書舍人懷素

銜恩獻壽栢梁臺

右給事中瑣

輕生侍從忝王枚

右中書舍人

謬司考能宸綱該

右員外郎之問

遠慙班左愧遊陪

右昭容 上官氏

迴文

春雪

潘孟

春梅雜落雪發樹幾花開直須盡興飲仁里願同來

奉酬

遲遲日氣暖漫漫雪天春知君欲醉飲思見此交親

三絕

介甫

其一

碧蕪平野曠黃菊晚村深客倦留并飲身閑累苦吟

其二

憂長隨末漏吟苦雜踈鍾動蓋荷風勁沾懷菊露濃

其三

逆月川魚躍開雲鎖鳥翻徑斜荒草西臺廢野花嫩

三四五六七言體

三言聯句

人不擾政已和世慮寡山情多

右畫上人

禪客至墨卿過興既洽情如何

右崔遙

四言聯句

肅肅清院脩脩碧蘚已見心遠何關地福

右畫上人

自公退食升堂草玄紛務已隔雲心澹然

右崔遙

六言聯句

清高素非宦侶，踈散從來道流。今日還輕墨綬，知君意在滄洲。

右畫上人

浮雲任從飄蕩，寄隱也信沉浮。不似鄆南地僻，道安爲我淹留。

右崔遙

玉臺體

鶯啼蘭已紅，見出鳳城東。粉汗宜斜日，衣香逐上風。情來不自覺，暗駐五花驄。

嬋娟二八正嬌羞，日暮相逢南陌頭。試問佳期不肯道，落花深處指青樓。

句用字體

春日綉衣輕春臺更有情春煙間草色春鳥隔花聲
春樹亂無次春山遙得名春風正飄蕩春甕莫須傾

詠青

瑣窓龜沼渡玉案麝煙含子衿方就列汗簡正初叅

詠長

倚天無楚劔護塞有秦城

詠短

袖嫌難舞處纓恨及深時

詠深

泰山雄地鎮北斗正天維

詠大

採蓮歸綠水沾衣

右和

桂舟蘭楫浮江渌

紅花玉灑還相似

蓮踈藕折香風起

香風起

白日低

採蓮曲

使君迷

自君之出矣

徐幹

自君之出矣明鏡暗不治思君如流水無有窮已時

又

李康成

自君之出矣茲吹絕無聲思君如百草撩亂逐春生

又

辛弘智

自君之出矣梁塵靜不飛思君如蒲月夜夜減容輝

又

自君之出矣寶鏡爲誰明思君如隴水常聞鳴咽聲

了語聯句

火燒平原無遺燎

右顧愷之

白布纏根樹旒旒

右桓玄

投魚深泉放飛鳥

右殷仲堪

樂語聯句

若河旣濟真僧喜

右萼

親知蒲坐笑相視

右真卿

鵬搏九萬里椿壽八千春

詠閑

掛冠傲吏垂綸坐絕粒高僧擁衲眠

詠靜

別館無風花自落廢臺臨水燕歸時

詠睡

輕輕龜喘息冉冉蝶精神

右詩

兩頭纖纖月初生半白半黑眼中晴
膈膈膊膊雞初鳴磊磊落落向曙星

兩頭纖纖青玉玦半白半黑頭上髮
膈膈膊膊春冰裂磊磊落桃初結

樂府江南三曲

江南曲

陽春路時佳人度

右和

枝上水中春併歸

長楊掃地桃花飛

清風吹人光照衣

光照衣

景將夕

擲黃金

留上客

龍笛曲

江南弄真能下翔鳳

右和

金門玉堂臨水居

一嘯一笑千萬餘

遊子去還願莫踈

願莫踈

意何極

鴛鴦飛

兩相憶

採蓮曲

戍客歸來見妻子

右皎然

學生枚假偷向市

右薦

滑語聯句

雨裏下山踏榆皮

右真卿

莓苔石橋步難移

右皎然

蕪萸醬醋喫煮葵

右令白

縫靴臈線油塗錐

右萼

急逢龍背須且騎

右益

醉語聯句

逢糟遇麴便酪酏

右令白

覆車墮馬皆不死

右真卿

到著接離髮垂頰

右皎然

酒語聯句

山簡酣歌到接離

右蕃得離字

看宋成碧無所知

右防得知字

耳鳴目眩駟馬馳

右良輔得馳字

口稱童孃腹鷓夷

右良弼得夷字

兀然落帽灌酒卮

右仲昌得卮字

大常吏部相對時

右維得時字

藉槽枕麴浮酒池

右丹得池字

瓮間離下臥不稷

右渭得稷字

叫呼不應無事悲

右槃得悲字

千日一醒知是誰

右允物得誰字

左傾右倒人避之

右迴得知字

遠意聯句

家在炎洲往朔方

右疾

豈知于闐望瀟湘

右澄

曾經隴底復遼陽

右巨

更應東去採扶桑

右皎

查客三年路未央

右伯均

燭龍之地無日光

右疾

將遊莽蒼窮大荒

右皎然

車轍馬迹逐周王

右均

暗意聯句

斜風飄雨三十夜

右疾

隣女餘光不相借

右巨川

跡滅塵生古人盡

右皎然

洞房重扉無隙罅

右均

燭滅更深月西謝

右從心

恨意聯句

同心同縣不相見

右疾

獨採靡蕪詠團扇

右均

莫聽東隣擣霜練

右皎然

遠憶征人淚如霰

右澄

長信空階春草遍

右從心

明妃初別昭德殿

右杭

吟窓雜錄庚卷三十四一